






古方輿勝略外夷引



太原王錫爵曰軒轅氏

方制天下得百里者萬

區而禹貢周官言九州

固在今



天子幅幘內耳及古所稱  
諸戎亦多稟正朔矣漢  
通西南夷唐置安西四  
鎮皆去中國萬餘里則  
古帝王所無有也而耶

律德光遣人窮大地所  
盡凡五季而歸開闢所  
未嘗至今利西秦親見  
南極出地三十六度是  
與中國之戴履正相直



矣昔張騫見邛竹蒟醬  
知太巴蜀不遠遂有鑿  
空之事後有知地球之  
可繞而徧也將無令東  
出蟠木而入於流沙北

自幽陵而歸以交趾觀  
天地之負方驗星宿之  
遠近者乎爰程生幼輿  
刻之成帙故贅數語於  
簡端若此



方輿勝略外夷卷一


嘉定 唐時升

秣陵 焦尊生

豫章 劉一燦

新安 程百二

全輯



山海輿地全圖總序

盱眙馮應京曰謹按西秦先生輿圖大都以天度定輪廣以日行別寒燠以五大州辨疆界物產民風之環竒附焉於戲天下之觀此圖者衆矣或供卧遊之興或廣經略之謀或銷蠶觸之褊心或鴛塵芥之虛



見倘亦有進于道者乎。記稱至聖德業施及天地之  
所覆載而莫不尊親盛矣。崇伯子作禹貢。伊尹作獻  
令。姬公作王會。毋亦惟是誕敷文德以恢無外之仁  
乃周職。方氏掌天下之圖。四夷八蠻七閩九貉五戎  
六狄。心爾延及我。明多方。殪屬東南際海。若朝鮮  
暹羅瓜哇。凡十有七國。西南夷若婆羅滿刺加。凡二  
十九國。其由天方通者。又二十八國。西域則泥刺朶  
甘。凡七國。其由哈密通者。又二十八國。北虜種類繁  
夥。僉受羈縻。視古聲教為尤盛。視此圖僅五之一耳。  
所稱無遠弗届。是耶非耶。天下勢分有限。心量無窮。

心者。上帝所降衷。宇宙同之。隨分所及。以盡此心。  
逆相為唱。和遞相為感應。擬議一室之中。流行八荒  
之外。果且以時地限哉。諦觀殊方風土。尚有穴處者。  
不粒食。不火食者。衣蟲魚皮者。結繩刻木。葉者食人  
者。食子者。為鶴鷄食者。死而掛之樹。葬之腹中者。其  
知宮室佃漁耕稼衣裳文字網罟棺槨人倫之制。匪  
賴有聖人之教。不及此。聖人立教。綏猷代天。以仁萬  
國。夫亦順人心以利道。而吾徒顧瞻寰宇。做法前修。  
各以心之精神。明道泚世。薪火相傳。曷知其盡。即如  
中國聖人之教。西土固未前聞。而其所傳。乾方先聖




之書吾亦未之前聞乃茲交相發明交相裨益惟是  
六合一家心心相印故東漸西被不爽耳夫物非吾  
所有者玩之喪志悠悠方儀萬象咸載吾道放之而  
皆準詎忍遐遺直當視如家園譜牒油然興併包之  
思焉西泰先生云神之接物司記者受之司明者辨  
之司愛者處之要歸事上帝為公父聯萬國為弟  
兄是乃繪此坤輿之意與應京嘗備員職方見其獻  
圖于上倍獲掌故乃悉其蘊序而傳之以屬程生  
百二纂四夷奉貢種落于後用昭咸賓之盛且以資  
學者宏覽云

新安吳中明曰鄒子九州裨海之說閎大不經世傳  
崑崙山東南一支入中國頽水皆東流而西北一支  
仍居其半亦莫能明也地廣且大矣齊州之見東西  
南北不踰萬里囿于所見或意之為小放浪于所不  
見或意之為大意之皆妄也利山人名瑪竇號西泰  
自歐邏巴入中國著山海輿地全圖薦為紳多傳之余  
訪其所為圖皆彼國中縷有舊本蓋其國人好遠遊  
時經絕域則相傳而誌之積漸年久稍得其形之大  
全然而南極一帶亦未有至者要以三隅推之亦無  
謬也



山人

淡然無求冥脩敬天朝夕自盟以無妄念無妄言動至所著天輿日月星遠  
大之數未易了然其說自有據并以此以俟知者









五

四



山海輿地全圖解曰地與海本是員形而合為一球居天球之中誠如卵黃有謂地為方者乃語其定而不移之性非語其形體也天既包地則彼此相應故天有南北二極地亦有之天分三百六十度地亦同之天中有赤道自赤道而南二十三度半為南道赤道而北二十三度半為北道據中國在北道之北日行赤道則晝夜平行南道則晝短行北道則晝長故天球有晝夜平圈列于中晝短夜長二圈列于南北以著日行之界地球亦有二圈對于下焉但天包地外為甚大其度廣地處天中為甚小其度狹此其差

異者查得直行北方每路二百五十里覺北極高出一度南極入位一度直行南方每路二百五十里覺北極入位一度南極出高一度則不特審地形果負而並微地之每一度廣二百五十里則地之東西南北各一週有九萬實數也是南北與東西數相等而不容異也夫地厚二萬八千六百三十六里零三十六丈上下四旁皆生齒所居渾淪一球原無上下蓋在天之內何瞻非天揔六合內凡足所佇即為下凡首所向即為上其專以身之所居分上下者未然也以大勢分山海自北而南為五帶一在晝長晝短二

奇理



方輿月田 圖解  
圈之間其地甚熱則謂帶近日輪故也。二在北極圈之內三在南極圈之內此二處地俱甚冷則謂帶遠日輪故也。四在北極晝長二圈之間五在南極晝短二圈之間此二地皆謂之正帶不甚冷熱日輪不遠不近故也。又以地勢分輿地為五大州曰歐邏巴曰利未亞曰亞細亞曰南北亞墨利加曰墨瓦蠟泥各國繁夥難悉今合各州萬國作二負圖其經緯線本宜每度畫之茲且惟每十度為一方以免雜亂依是可分置各國于其所東西緯線數天下之長自晝夜平線為中而起上數至北極下數至南極南北經線

數天下之寬自福島起為十度至三百六十度復相接焉試如察得南京離中線以上三十二度離福島以東一百廿八度則安之于其所也。凡地在中線以二主北極則實為北方凡在中線下則實為南方焉。釋氏謂中國在南瞻部州並計須彌山出入地數其繆可知也。又用緯線以著各極出地幾何蓋地離晝夜平線度數與極出地度數相等但在南方則著南極出地之數在北方則著北極出地之數也。故視京師隔中線以北四十度則知京師北極高四十度也。視大浪山隔中線以南三十六度則知大浪山南極



高三十六度也。凡同緯之地，其極出地數同，則四季寒暑同態焉。若兩處離中線度數相同，但一離于南，一離于北，其四季並晝夜刻數均同，惟時相反焉。蓋此之夏為彼之冬焉。且長晝長夜愈離中線愈長也。余以式之，惟計于國濱，每五度其晝夜長何如，則西東上下，隔中線數一則皆可通用也。載小圖不能盡，大圖詳悉。用經線以定兩處相雜幾何辰也。蓋日輪一日作一週，則每辰行三十度，而兩處相違三十度，並謂差一辰。故視女直離福島一百四十度，而緬國離一百一十則，明女直于緬國差一辰，而凡女直為卯時，緬方

為寅時也。其餘倣是焉。設差六辰，則兩處晝夜相反焉。如又離中線度數同，而差南北，則兩地人對足氏反行，故南京離中線以北三十二度，離福島一百二十八度，而南亞墨利加之瑪八作離中線以南三十二度，離福島三百零有八度，則南京于瑪八作人相對反足氏行矣。從此可曉，同經線處並同辰而同時見日月蝕矣。此其大略也。其詳備于圖，並後書云。答地球比九重天之星遠，且大幾何。曰：余嘗留心于量天地法，且從太西庠天文諸士討論已久，茲述其各數，以便覽焉。夫地球既每度二百五十里，則知三



百六十度為地一週九萬里又可以計地面至其中  
心隔一萬四千三百一十八里零十八丈地心至第  
九重謂月天四十八萬二千五百二十二餘里至第  
八重謂辰星即水星天九十一萬八千七百五十餘  
里至第七重謂太白即金星天二百四十萬零六百  
八十一餘里至第六重謂日輪天一千六百零五萬  
五千六百九十餘里至第五重謂熒惑即火星天二  
千七百四十一萬二千一百餘里至第四重謂歲星  
即木星天一萬二千六百七十六萬九千五百八十  
四餘里至第三重謂填星即土星天二萬五百七十

七萬零五百六十四餘里至第二重謂列宿天三萬  
二千二百七十六萬九千八百四十五餘里至第一  
重謂宗動天六萬四千七百三十三萬八千六百九  
十餘里此九層相包如葱頭皮焉皆硬堅而日月辰  
星定在其體內如木節在板而只因本天而動第天  
體明而無色則能通透光如琉璃水晶之類無所碍  
也若二十八宿星其上等每各大于地球一百零六  
倍又六分之一其二等之各星大于地球八十九倍  
又八分之一其三等之各星大于地球七十一倍又  
三分之一其四等之各星大于地球五十三倍又十



二分之一其五等之各星大于地球三十五倍又  
八分之一其六等之各星大于地球十七倍又十分  
之一夫此六等皆在第二重天也土星大于地球九  
十倍又八分之一木星大于地球九十四倍又一半  
分火星大于地球半倍日輪大于地球一百六十五  
倍又八分之三地球大于金星三十六倍又二十七  
分之一大于水星二萬一千九百五十一倍大于月  
輪三十八倍又三分之一則日大于月六千五百三  
十八倍又五分之一自此可徵使有人在第六重天  
已上視地必不能見之則其微比天者不啻如點焉

耳而我輩乃于一微點中分采域為公侯為帝至于  
是篡奪稱大業竊脫隔隣疆碑而侵地疇日夜營求  
廣闢田地埔已封境于是竭心劇神立功傳名肆彼  
無限之貪欲殆哉殆哉

山海輿地全圖各國經緯度略曰凡國大小或居  
于南北或于西東皆以其度分也蓋地與海既成負  
形如球焉其南北似軸二頭對天南北極謂地二極  
是一定各離赤道九十度則赤道上下為地緯線之  
數原明矣夫日月星麗天環地球晝夜不息本無出  
入焉惟此國遇日之照為晝見月星為夜于所視太



陽升為東于所視其降為西耳然此國之西必為他國之東而地球本無正西東也既而地之經緯于何處為起數乎初制全圖者歐羅巴與利未亞二大州士者俱中華之西也伊始察西海中福島乃至西也即以是島之外竟為海而如東尋地也見東之地廣濶難窮且為所交之國一摠圖自北極因福島至南極畫一線以此線為橫路之度數之裱焉則福島結三百六十度之本末也或問地球無西東為圖也有西東海洋地方奚非謬歟答曰善為圖者固以大邦為主故視大邦之左右名海名地方也且歐羅巴以

亞墨利加為西以亞細亞為東則畫亞墨利加在其右而亞細亞在其左若中華者必畫歐羅巴及利未亞于其右論度分則利未亞又在歐羅巴之右而南北亞墨利加于其左不爾各方之名者蓋焉為圖當爾今將輿地入之書冊

度分註明不蓋矣以亞細亞居首者尊中華為主也

爰分數層上因各大州布

國島山海江河以其度分下層筆其土產風俗則輿地圖愈明娘焉

上海徐光啟曰西泰子之言天地負體也猶二五之為十也或疑焉作正戲別三論解之正論曰古法北極出地三十六度此自中州言耳唐人云南北相去



每三百五十一里八十步而差一度宋人云自交南至于岳臺六千里而差十五度此定說也夫地果平者即南北相去百億萬里其北極出地之度宜恒為三十六不能差毫末也猶山高千尺以周髀量之自此山之下稍移之平地數十里外宜恒為千尺不能差毫末也以郭若思之精辨南北測驗二萬里北極之差至五十度而不悟地為平體移量北極之不能差毫末何也又因而抑札馬魯丁使其術不顯何也戲論曰嵩高之下北極出地三十六度自此以北每三百五十一里八十步而差一度則嵩高之北一萬

八千九百六十六里正當北極之下矣近世渾天之說明即天為負體無疑也夫天為負體地能為平體北極又能為迤差則以周髀計之北極之下自天至地裁一萬三千八百二十九里而已次以弧矢截負法計之則北極之下更北行四千四百七十六里有奇而地與天俱盡也合計之即自嵩高以北二萬三千四百四十里有奇而地與天俱盡也倍之則東西廣南北袤各四萬六千八百八十五里有奇而地與天俱盡也此三者以為不可也別論曰楊子雲主蓋天桓君山謫之是也然蓋天能知地平則北極不



能為差故云北極之下高于中國六萬里但如其說者又不能為負天為負天則高于中國六萬里之處既與天相及矣故曰天之北極高于四周亦六萬里斜倚之今天與地不相及也然言負天而不言負地政不足以服周髀

廣陵張京元曰蓋地如一丸為氣所乘在負天之正中正如卵黃在白中世寧有負白方黃之卵哉吾中國人足不履戶外執泥局曲耳目所未經與之言輒大駭西域至人多泛大海涉重溟多者數十載少者數載積百年来實見画而成圖西泰子歸心中

夏謁見今上以其圖懸之通都真是得未曾有乃復殫思竭力為兩小圖遍貽海內解不解在乎其人不能強也

新安程百二曰西泰子有云欲圖方域須精天文弗達天文何以知其圖或在赤道下乎或赤道之南之北乎離赤道南北幾里遠福島西東幾度乎于此地何星恒見何星恒伏乎其各處夏冬晝夜長短幾刻乎若冰一一鑿然有據何以圖焉故是圖如卵斯負凡九萬里五州分藩周垣其外是為九天然地分與天相應南北西東各國各島無不中度分也



亞細亞各國度分  
 亞細亞者南至蘇門答臘呂宋等  
 島北至新曾白蠟及北海東至日  
 本國島大明海西至大河墨河的湖大海西紅  
 海小西洋亞細亞地比歐邏巴利未亞兩方多兩  
 倍云  
 離赤道以北離福島以西

那多里亞	度	四	十	度	五	十
沙尔加龍	度	四	十	度	五	十
葛八多齊亞	度	四	十	度	五	十
利細亞	度	四	十	度	五	十
區大亦	度	四	十	度	五	十
悶突色	度	四	十	度	五	十
亞尔的溺里	度	四	十	度	五	十
昂捺多勒	度	四	十	度	五	十
加臘馬溺	度	四	十	度	五	十
阿禡西亞	度	四	十	度	五	十
波里六泥	度	四	十	度	五	十
蘇祿斯	度	四	十	度	五	十
波促	度	三	十	度	六	十

入釋	度	四	十
撥壤	度	三	十
亞馬西亞	度	四	十
西入廝儋	度	三	十
亞利士利	度	三	十
歐法蟬得河	度	三	十
耶辣覽	度	三	十
如德亞	度	三	十
西利牙	度	三	十
磕尔突牙	度	三	十
昂入昂野	度	二	十
兒葛諱夫	度	二	十
扼落野	度	二	十
尼人雜野	度	二	十
耶惹馬尸	度	二	十
赫昌林	度	二	十
挹尔名	度	二	十
默德那	度	十	十
亞登國	度	十	十
妻畢	度	十	十

國度分  
 亞細亞  
 十 十 十 二 二 二 二 二 二 三 三 三 三 三 三 四 三 四  
 四 四 八 十 十 三 三 三 三 一 五 一 五 五 五 三 八 十  
 六 六 六 六 三 六 六 六 六 六 六 七 六 七 七 六 六 六  
 九 七 八 九 六 五 五 九 八 四 七 七 五 二 八 二 八 七 七  
 三 三



















































入尔馬泥亞

沙瑣泥亞

波亦米亞

奧失突利亞

大弩混河江

公羽阿利亞

突浪西爾漢泥亞

大尔馬齊亞

班諾泥

步尔葛利亞

馬則多泥亞

厄勒齊亞

莫勒亞

甘的亞

滙白亞

蘭被禮

羅馬泥亞

波羅泥亞

五

五

四

五

四

五

四

四

四

四

三

三

三

四

三

三

四

三

三

四

四

四

四

四

五

五

四

四

里亞泥亞

魯西亞

波多里亞

卧尔丁然

契利末牙

古馬泥

尾茶里亞

卧的亞

蘇亦齊

蠟皮亞

勿匿尔湖

斯祁非泥亞

非馬祁亞

羅多里

諾尔物入亞

五

五

五

五

五

五

四

五

六

六

六

六

六

七

五

五

五

四

五

五

六

三

三

三

二

二

二

一

入尔馬泥亞諸國共一推  
王其國之王于中常共推  
賢者為之出琥珀金色者  
為上藍次之赤最下

突浪此國在大松林中松  
林有數百里廣其松球重  
數斤落即能殺人故人  
行林下必戴兜鍪以備  
之

波羅泥亞國主李而嗣子  
賢則大臣立之為君否則  
請他國之賢者立而若之

臥的亞人眾而猛

臥蘭海中六州甚冷冬三  
月太陽不出地夏亦三月  
不入地則六月中不令晝  
夜以巧器令時六辰以六  
辰起冬以魚油點燈代日



匿公羽峯

納山峯

少得

何令

佛多尔河

斯可何尔丁

寒河

飛私得島

甘峯

香峯

依加里亞島

加卧亦勿

新曾白麗

祈勿刺

莫西那

松杞法

勿耳尾

露的刺斯

諾尔京

葛勃施葛

光

三百五三

三百五二

三百五四

三百五三

三百四三

三百四三

三百四七

三百四七

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

三百四二

沒廝個地甚冷不產菓木

礼勿泥亞

李漏生

葛尔哥波利

諾勿尾的亞

各勃利亞

縛羅得沒

尾郎尾可

縛羅得抹尔

勿欽

沒廝個未突

迷色录

勒赫貝

弥色哥尔迷

孟力里亞

伯帝兀尔祁

孟大期

額索各答耶

加巴尔地亞

來兒吐雅

六五七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

六四七

四一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

五一八

歐羅巴

六



























方輿月西  
國度分

多朵德亞國  
多朵德亞河

多兒美

諸著  
多兒瓦瓦

沙瓦乃國

祖瓦蠟

亞刺大

媽刺大  
亞私達蘭

知開  
火叱蠟瓦

突爾利其都默奇國

加巴斯祈國

帝靜河

蘇亞蠟山

亞外媽

加那瓦

二百五十一

二百五十三

二百五十四

二百五十八

二百六十三

二百六十八

二百七十三

二百七十九

二百八十三

二百八十八

二百九十二

二百九十八

三百零一

三百零四

三百零八

三百一十二

三百一十八

三百廿二

三百廿六

三百三十

三百三十四

三百三十八

三百四十二

三百四十六

廿五

加拿大國	何察刺瓦	七城國	摩可麻國	何多亞蠟瓦	得爾洛勿洛多	翁尼峇	新拂郎察	奴龍伯	亦利多的蘭地	巴革老地	泥德	斯可何爾丁	飛斯得島	甘峯	香百峯	可爾得勒亞地	如里漢島	鬼島
五	四	三	四	五	五	五	四	五	六	六	七	七	七	六	六	五	五	五
三	七	九	四	一	八	二	九	七	五	五	四	五	二	八	八	六	六	五
二百五十一	二百五十三	二百五十四	二百五十八	二百六十三	二百六十八	二百七十三	二百七十九	二百八十三	二百八十八	二百九十二	二百九十八	三百零一	三百零四	三百零八	三百一十二	三百一十八	三百廿二	三百廿六

方輿月西

國度分

亞墨利加

廿五

加拿大國	何察刺瓦	七城國	摩可麻國	何多亞蠟瓦	得爾洛勿洛多	翁尼峇	新拂郎察	奴龍伯	亦利多的蘭地	巴革老地	泥德	斯可何爾丁	飛斯得島	甘峯	香百峯	可爾得勒亞地	如里漢島	鬼島
五	四	三	四	五	五	五	四	五	六	六	七	七	七	六	六	五	五	五
三	七	九	四	一	八	二	九	七	五	五	四	五	二	八	八	六	六	五
二百五十一	二百五十三	二百五十四	二百五十八	二百六十三	二百六十八	二百七十三	二百七十九	二百八十三	二百八十八	二百九十二	二百九十八	三百零一	三百零四	三百零八	三百一十二	三百一十八	三百廿二	三百廿六







止瓦投  
路格愚  
白赫瑪  
古巴島  
牙賣加  
昌彌亞那  
小以西把你亞  
曷勿沉勿  
仙如漢島  
得光得白  
亞怒皮亞大  
別山

二二二  
九九八  
九九九  
二一九  
廿一七  
廿一八  
十九八  
十八九  
十七八  
十六七  
十五六

二百九三  
二百九二  
二百九一  
二百九二  
二百九三  
二百九四  
二百九五  
二百九六  
二百九七  
二百九八  
二百九九

南亞墨利加

分爲五邦一曰孛露二曰金加西蠟三曰坡巴牙那四曰智里五曰伯西兒其至南又有謂長人國

離赤道以北離福島以西

坡巴牙那  
祈蠟正危斯

度分  
七五

度分  
二百九三  
二百九四

加利巴那  
祈多

以產金銀名

一一二

二百九三  
二百九一

金加西蠟

八

二百九五

峇尼戀

四

二百九七

小勿釋茶  
新窰太魯西亞

六

二百一

亞那牙

四

二百三

容皮

九

二百七

烏水河

一

二百九

富令那國

七

二百十一

渴里白那

三

二百二十

漁人地

一

二百十九

青珠島

十一

三百八

仙如漢島

十二

三百七

離赤道以南

打勒那  
巴吳亞那  
角蠟巴沙

四三

二百九十  
二百九三  
二百九七



盤峩  
馬亞柯  
止巴泥尾  
皮諾利那  
弟私那大  
巴利孤打  
何勒利西那河  
馬良溫河  
白峯  
毘麻刺  
椰林峯  
阿瑪加那  
伯西兒  
巴兒難伯可  
阿林峯  
草那非所河  
打巴呀勒  
達坡那

七  
一  
五  
二  
二  
三  
二  
七  
二  
一  
八  
二  
五  
一

三百九八  
三百九十九  
三百一  
三百十  
三百十七  
三百廿一  
三百廿七  
三百四  
三百三  
三百三五  
三百三七  
三百三九  
三百四七  
三百四六  
三百四四  
三百四一  
三百四三

毘麻刺有獸上車類狸下  
半類猴食果耳腹下  
有皮可張可合容其所  
生之子休息于中  
伯西兒無房屋開地穴  
居好食人肉但食男不  
食女以鳥毛織衣

麻爾得哥突  
馬加大突  
金魚湖  
多巴欲  
巴烏的  
皮可蠟  
題別里  
渴察單馬  
霸刺那  
億大盤窪  
麻刺加私  
哥吒麻  
氏薩那國  
亞馬鑽國  
李露路以河名  
亞牙勿里  
利碼  
馬加利  
乾據國

十九  
十八  
十二  
七  
一  
五  
七  
一  
七  
一  
二  
三  
二  
十  
十  
十  
十  
十  
十  
十  
十

三百四一  
三百三九  
三百二七  
三百三三  
三百二五  
三百廿一  
三百十八  
三百十七  
三百十五  
三百十二  
三百九  
三百六  
三百四  
三百二  
二百九  
二百九  
二百九  
二百九  
二百九

亞馬鑽國不知耕種仰給  
菓蘇產香名巴爾沙摩樹  
上生油以刀割之油出塗  
尸不敗其刀割樹處周十  
十二時如故德亞國亦有  
之







何刺佛江

四四

三百一

無氏澳

四四

三百五

三角

四四

三百一

沙濱

四四

三百七

萬室女

四四

三百一

初勒國

四四

三百一

仙如里亞諾

五二

二百九

第一角

五二

二百九

仙瑪利亞峯

五三

二百九

椰子島

五三

二百九

墨瓦蠟泥加各國度分

盡在南方惟見南極出地而北極相藏焉其界未審何如

故未敢訂之惟其北邊與大小瓜哇及墨瓦蠟泥

離赤道以南離福島以西

墨瓦蠟泥峽

五五

三百二

其三嶺

五五

三百一

大江

五六

三百一

火地私

五六

三百一

師峯

五六

三百一

小島濱

五六

三百一

無名島

五六

三百一

無福島

五六

三百一

沙魚島

五六

三百一

竹香島

五六

三百一

沙蠟門島

五六

三百一

仙歐紐丁峯

五六

三百一

無福島墨瓦蠟泥人曾過此島見無人跡名之曰無福島







古鄭徐時進曰其言天地形皆圓如瓜無所謂四旁  
上下地在天中水介地中脉理浮絡常而不遷就中  
差以為南北北極為蒼南為庭日月運於中央為赤  
道從赤道岐而南北各二十三度半為南北道按中  
國在北道之北故日行南畫短行北畫長佛氏南瞻  
部州就佛所產言也

天都程百二為輿氏纂錄

方輿勝略外夷卷一

新安

程百二纂  
吳勉學輯

韃靼

韃靼北胡也昔夏桀無道湯放之居於中野士民犇  
湯乃與其屬五百人從北荒漠間桀死其子獯粥  
妻桀之妻隨畜遷徙因以成俗謂之匈奴古公居豳  
獯粥攻之遂去豳居岐山當周宣王時獯粥作難宣  
王伐之及始皇興使蒙恬築城以距胡人而單于頭  
曼不勝秦徙千有餘里及後頭曼之子冒頓以鳴鏑



射其父破東胡收復故地而匈奴遂強盡服從西夷  
而南與華夏為敵國昔白登之圍漢高幾殆矣孤憤  
之誦呂后志焉然冒頓之世卒從劉敬之議和親結  
約賴以稍安茲其計畫蓋亦得失相半者也及冒頓  
死子稽粥立而中行說降匈奴教以中國虛實於是  
遂寇邊焉至武帝時馬邑人聶翁壹者陽為賣馬邑  
城以誘單于已而單于覺之遂引兵還武帝命將衛  
青霍去病等連年出師取河南封狼居臨瀚海而幕  
南無王庭威稍振矣自武帝北伐二十餘年匈奴代  
為單于者俱數入寇漢亦深入窮追不絕天漢初且

鞮侯初立恐漢罷之迺曰漢天子我丈人行也盡歸  
漢使郭吉路充國等帝嘉其義遣蘇武持節與張勝  
常惠等送匈奴使留在漢者會緱王謀劫閼氏歸漢  
事發覺事引張勝勝見殺迺留武劫之降不應遂幽  
武大窖中天寒齧雪踰年得不死及盛熱又以糞糝  
束武暴日中武持節愈堅乃徙北海上使牧羝羝乳  
乃得歸皆衛律之謀也且鞮侯死子狐鹿姑立死子  
壺鞮立宣帝即位遣將田廣明等出兵以護烏孫公  
主大破匈奴於是匈奴衰弱邊境少事矣自此三傳  
而呼韓邪單于立會五單于爭立相攻擊呼韓款塞



來朝漢寵以殊禮位在諸侯王上賞謁稱臣而不名  
留月餘遣歸國單于自請願留居光祿塞下有急保  
漢受降城郅支單于呼韓邪單于俱遣使奉貢元帝  
即位郅支怨漢雍護呼韓上書求侍子漢遣谷吉送  
之郅支殺吉陳湯發兵即康居斬郅支於是呼韓益  
強呼韓入朝自言願婿漢氏時有宮人王昭君者姿  
兒甚麗曰畫工毀其容遂不得幸有怨心至是帝問  
後宮欲至單于者昭君喟然請行帝見而悔之乃窮  
按其事画工陳敞毛延壽等一時伏誅呼韓歸上書  
願保塞請罷邊備塞吏卒以休天子人民郎中侯應

習邊事議不可凡四傳而囊知牙斯立及王莽篡位  
復遣使易單于故印曰新匈奴單于章單于以為去  
璽言章與臣下無別大怨恨寇掠無忌矣及光武興  
其單于輿驕倨如初而南匈奴單于比者呼韓邪之  
孫囊知牙斯之子也自呼韓邪後諸子以次立四傳  
而至蒲奴者俱非呼韓嫡支而竟不及比比大憤恨  
而密遣漢人郭滄奉地圖求內附無何八部大人共  
議立比為呼韓邪單于以其大父嘗依漢得安故欲  
嚴其彌於是款五原塞願永為藩蔽許之詔比入居  
雲中匈奴之有南北自比始也而北單于輒為比擊



破却地千里至鄧太后時北虜降者迭至而南單于  
屯屠何新立上書願請漢兵力破北匈奴併為一國  
令漢永無北念太后用耿秉議遂以耿秉竇憲耿夔  
合南匈奴兵擊之大破北虜北單于逃亡不知所在  
其弟於除鞬立為北單于屯屠何薨子安國立時  
谷蠡王師子強眾皆附之後遂格殺安國而自立師  
子薨三傳至休利永和五年左部白龍王吾斯車紐  
等背叛寇我城邑中郎將陳龜以單于休利不能制  
下逼責之休利自殺龜亦坐下獄死會兜樓儲在京  
師漢已先立之至是遣使送歸南庭立五年薨五傳

而於扶羅立即晉劉淵之祖也是時南匈奴亂共立  
須卜骨都侯為單于而於扶羅詣關自訟會靈帝崩  
天下多故遂與白波賊合兵寇郡竟以不利歸國國  
人不愛乃止河東未幾須卜單于亦死南庭遂虛以  
老王行國事於扶羅死弟呼厨泉立來朝曹操回留  
於鄴遣右賢王去卑歸監其國分匈奴為五部震之  
內地至晉武時而左賢王劉豹之子劉淵起焉淵幼  
而穎異與子聰族子曜俱博涉經史膂力過人淵為  
侍子在洛陽王渾王濟薦之晉以為匈奴北部都尉  
五部豪傑幽冀名儒多往歸之於是稱大單于尋稱



鮮卑  
蠕

皇帝國號曰漢亂華之胡自涇始也涇卒子聰立遂  
克京師囚執懷愍青衣行酒戎服前驅自古夷狄作  
虐未之有也未幾劉氏亡而迭興者有石氏國號趙  
凡二世秦滅之有沮渠氏其先匈奴左沮渠也國号  
北凉凡二世魏滅之有赫連氏右賢去卑之後也國  
號大夏凡三世魏滅之有拓拔氏漢降將李陵之後  
也國號元魏傳國最久茲皆以匈奴遺種丁二晉及  
五季之衰運踪踐中華幾吞併矣而故匈奴之地盡  
屬鮮卑東胡種也詳見元良哈考鮮卑衰而蠕蠕強  
盛蠕蠕者以其無知狀類蟲也先是有卜骨間者為

拔拓猗盧騎卒坐後期當斬亡匿廣漠谿谷之間至  
其子車廐會雄健始有部眾三傳至地粟表之子部  
分為二長匹侯跋居故地次緼紇提別居西邊元魏  
攻之遯竄而緼紇提之子杜崙率其私屬破破匹侯  
跋恐魏之侵奪乃遠遯漠北并諸部蓋有匈奴故地  
自稱可汗驕桀寇邊元魏苦之杜崙死魏大發兵罷  
擊其主大壇西竄山谷不敢南侵者凡十主矣至阿  
那壞立頗復驕大而齊人單于鞮為其謀畫遂立官  
號擬於中國天子後突厥酋土門破之阿那壞自殺  
蠕蠕遂亡而突厥興焉突厥者堯年也以堯年名國

突厥

方輿券各

卷一

韃靼

五



明其出於兵也相傳其國先於西海之上鄰國滅之  
殺無醮類惟小兒未殺乃刑足斷臂棄大澤中有牝  
狼銜肉養之遂得不死及壯乃與狼交狼因負之居  
於高昌西北洞穴中後狼生十男各自為一姓阿史  
那最賢遂為君長世屬蠕蠕傳至吐門始滅蠕蠕稱  
可汗焉吐門卒子俟斤立俟斤卒弟佗鉢立二人者  
勇而多智威服諸國地廣數十萬里周齊爭結姻好  
傾府庫事之及沙鉢略立其妻乃宇文氏女自傷宗  
族滅絕陰有報隋之志輒言之沙鉢略以故大寇隋  
遣文帝怒乃詔河間王弘高頰虞慶則竇榮等出塞

擊之沙鉢略敗去沙鉢略與西突厥有隙西突厥者  
俟斤之子邏便封地突厥之分西北自此始也沙鉢  
略卒子靡莫間立而突利可汗染干者亦沙鉢略之  
子也居北方與靡莫間有隙隋和解之尋遣使求婚  
隋妻以宗女義安公主染干以尚主故南徙度斤舊  
鎮靡莫間怒曰我大可汗也反不如染干於是舉兵  
攻染干染干來奔隋拜染干為意利珍豆啟人可汗  
而於朔方築大利城居焉靡莫間死步迦自立尋亦  
大亂西突厥泥利可汗為鐵勒敗奚霫五部內徙啟  
人并有其眾勢滋強盛煬帝幸榆林啟人朝帝大喜



方輿用田 卷一  
作詩曰呼韓稽顙至屠支接踵來何如漢天子空上  
單于臺禮賜啟人厚啟人卒其子始畢可汗立以隋  
誘殺其謀臣怨恨不朝且舉兵入寇遂臣服西域而  
薛舉竇建德王世充劉武李軌高開道之徒雖僭尊  
號心北面臣之勢凌中夏始畢卒其弟處羅可汗立  
卒義安公主廢其子而立處羅之弟吐苾是為頡利  
可汗又立始畢之子什鉢苾是為突利可汗會唐高  
祖初定太原未遑外略贈賚不貲頡利愈大舉入寇  
唐怒遣太子建成秦王世民出兩道擊之頡利聞秦  
王威名引去無何頡利突利合舉入寇秦王拒之乃

馳騎與頡利語復馳騎與突利語縱反間二虜因自  
相猜懼遣使請和至永淳間突厥骨咄祿復興骨咄  
祿者頡利之疎屬也自稱可汗唐遣將崔智辨率兵  
討之俱弗克骨咄祿死而其弟點啜更强勇攻破契  
丹遣使來朝武則天冊封之點啜表請為武后子并  
請和親武后從之而以武延秀聘其女為妃點啜怒  
其非唐天子子也於是入寇殺戮大慘唐將沙叱忠  
義等皆願望不敢戰獨狄仁傑以兵追之不及點啜  
負勝輕中國至玄宗時點啜年老昏暴部落怨畔來  
降者甚夥點啜討九姓拔野古野古大敗點啜歸道



大林中拔野古殘眾突出擊點啜斬之使郝靈佺傳首京師而骨咄祿之子闌持勒殺點啜子及諸弟立左賢王默棘連為毘伽可汗即番所稱小殺是也更召衛官瞰欲谷為謀主是時小殺仁而愛人寇掠涼州唐遣裴光庭往諭之於是遣使入朝吐番以書約同寇邊不從小殺死四傳白眉可汗立是時回紇可汗骨力裴羅者殺白眉併其地突厥遂亡而回紇盛矣裴羅死其後葛勒可汗從廣平王儼郭子儀等滅慶緒收復東京牟羽可汗從藥子昂僕固懷恩等滅史朝義悉平河北皆回紇之力也唐累世妻以公主

而其猖獗自如也至唐末五代之際回鶻役屬吐番突厥微弱契丹據有其地契丹東胡種也語具兀良哈志中至宋時而蒙古鐵木真起焉蒙古者北虜韃靼之小部落也世為蒙古部長至其父也速該始強盛征塔塔兒部獲其部長鐵木真適元太祖生手握凝血如赤也速該異之目以所獲鐵木真名之志武功也也速該死鐵木真即位於幹難河稱帝木真深沈有大略平西夏定西域拓地甚廣皆其臣木華黎耶律楚材之力也鐵木真卒子窩濶台立是為太宗遣使至宋議并力攻金許成功後以河南地歸宋宋



遂遣孟珙帥兵會元師蔡州共擊金金亡獨許割陳  
蔡為界而河南之議遂寢宋大恚焉而宋臣趙范趙  
奎者孱而寡謀乃首建收復三京之議搆怨抵禍自  
此階矣後三傳而忽必烈立改號曰元英明雄武過  
於定憲二宗值宋理度之世而權奸賈似道怙寵賣  
國樊城失守諸郡縣日危月削雖有李廷芝陸秀夫  
張世傑文天祥之輩無計保全及恭帝蒙塵而益王  
昀廣王昺相繼即位寄身海島勢莫能支崖山之沈  
千古聞之殞涕宗亡而元威振萬里兼有華夷夷狄  
之盛古未聞也忽必烈率凡八傳而妥懽帖木兒立

是為順帝性柔少斷而奸臣伯顏哈麻相繼弄權於  
是羣雄蜂起分割海內祔王稱帝二十年天界我  
大明復歸一統洪武元年既下山東河南等郡元主  
北奔六月督諸將會兵葦陳橋七月敗元兵河西務  
又敗之於通州元主懼集后妃太子等議北避兵遲  
明召羣臣會議端明殿門開有兩狐白殿上出元主  
歎曰宮禁嚴此物從何來昭天所以啟告我也遂決  
意北徙及李文忠擣應昌獲元主孫買禮的八刺始  
知元主卒於應昌上遣使致祭以其能達變推分  
也謚曰順帝封買禮的八刺為崇禮侯是時元太子



愛猷識里達刺稱帝於和林而王保保佐之王保保者元右丞相擴廓帖木兒也達三道出塞討擴廓不克又數季擴廓卒六年元主殂次子脫古思帖木兒立二十一年永昌侯玉出大寧至慶州龍破虜脫古思遁去獲其子地保奴以歸時有言玉私元主妃者脫古思聞之惶懼自盡由是地保奴有怨言上曰是豈可以久居內地遂遣使護送至琉球居焉自脫古思死五傳坤迭木兒永樂初鬼力赤立非元裔也衆不附弑之太師阿魯台迎順帝後本雅失里為主稱可汗當洪武時強臣猛可帖兒據瓦剌死衆分為

三曰馬哈木曰太平曰把秃孛羅不肯與可汗會上表貢方物仍請封詔封馬哈木為順寧王太平賢義王把秃孛羅安樂王永樂七年遣給事郭冀諭本雅失里見殺上怒勅淇國公丘福等討之福輕信謀者全軍皆沒明年上遂自將出塞而以皇長孫留守北京駕行至清水源其地水鹹苦不可飲人馬皆渴明日營西北二里許有泉湧出甚甘冽賜名曰神應泉至長清塞地夜南望北斗云及至幹難河元太祖始興地也本雅失里棄輜重遁去阿魯台敗走時熱甚乏水軍士有飢渴死者遂收兵還營次玄石坡



上製銘勒石曰惟日月明惟天地壽玄石勒銘與之  
悠久次擒胡山銘曰瀚海為鐔天山為鏑一掃胡塵  
永清沙漠次清水泉銘曰於磔王師用殲醜虜山高  
水清永彰我武會軍士乏食上令以所儲供御糧  
炒散給之上在軍中每日暮猶未食請御膳上  
曰軍士未食朕何忍先飽九年阿魯台納款且請得  
部署女直吐番諸部上以問左右多請許之黃淮  
獨不可曰此屬狼子野心使各為類則易制若併為  
一則勢大難圖矣上顧左右曰黃淮如立高崗無  
遠不見諸人處平地所見惟目前耳乃不許請當是

時阿魯台為馬哈木攻敗窮感以其妻孥部落南奔  
保塞外稱臣奉貢詔封為和寧王數年生聚蕃富時  
寇塞下上復自將出塞討之至殺胡原諸將請急  
追之上曰虜非有他計能譬諸狼貪得所欲即走  
追之徒勞少俟草青馬肥擣其巢穴未晚也未幾阿  
魯台殺其主本雅失里自立時馬哈木死子脫歡嗣  
王併有太平字羅之眾遂殺阿魯台求元孽脫脫不  
花立為可汗居漠北脫歡仍居尾刺自宣德至正統  
初脫歡死子也先益強盛數遣使貢馬賞賚金帛求  
結婚通事私許之朝廷不知也答詔無許婚意也先



愧怒十四年大舉入寇永寧懷來龍門諸守將皆棄  
城走太監王振導上親征命處王居守駕至宣  
府駙馬都尉井源等戰沒及至狼山成國公朱勇西  
寧侯宋瑛武進伯朱冕遇虜鷄兒嶺又敗沒上班  
師至土木去懷來僅二十里欲入保懷來振頤私重  
留行遂駐土木旁無水泉士飢渴甚明日虜來議和  
上移營會暴風連日飛塵蔽天人馬不相見虜騎蹂  
陣而入奮長刀以擊矢下如蝟我軍蓬首袒身踰山  
陸谷枕藉於道路大將張輔曹鼎等皆沒內官喜寧  
降虜駕遂北狩時己巳八月十五日也二十二日

虜奉 上至大同城索金幣約歸駕先是郭定襄登  
守大同與寇相拒大小數十百戰未嘗挫衄登知虜  
詐謀拒之曰受命守城不敢擅自啟閉而校尉袁斌  
以頭觸門于是劉安孫祥霍瑄出見虜索城中犒軍  
錢括公私金銀萬餘兩既賜虜受之無他言上復  
自大同出塞居伯顏帖木兒營伯顏執臣子禮甚恭  
十月虜復入寇大同廣昌破紫荊關遂犯京師喜寧  
為之鄉導并味也先邀大臣于謙王直胡濙等出議  
和謙力言虜詐不可許而以王復趙榮二人出見時  
虜焚三陵殿寢祭器逼宣武門逾蘆溝橋分掠下邑



而徐有貞者謬以占候倡南幸議太監金英面叱沮之于謙志在討虜偵知上皇營遠遂發大砲擊虜殺其酋鐵頸元帥而石亨王通孫鏜等戰皆大捷虜勢少却時景泰元年七月也袁斌以計殺喜寧也先失其鄉導上皇在虜廷未嘗少降辭色虜以女入侍不納虜異之會大雪上所止穹廬上雪不凝虜益異之時袁斌與衛士哈銘沙狐狸晝夜不離備極勞苦虜覘知之乃大驚歎謂中國有人頃之楊善等至虜營與也先相見也先目問土木之役南朝將士何以不戰并問減馬價拘留使人及市釜事善一一

對之甚恚反覆辯論皆中肯綮也先大服于是效順之謀益決引見上皇明日也先奉餞又明日伯顏奉餞俱執禮甚恭曰我人臣也敢與天子抗禮哉明日上皇發迤北也先伯顏送至野狐嶺慟哭而別仍命數酋送入關駕至京遂入南宮羣臣就見而退當是時也先使至京師每幾千人出入驕恣至欲騎入長安門東結朶額西交哈密肅肅斤蒙古往往窺塞下四年也先攻殺脫脫不花自稱田盛大克汗田盛華言天聖也及也先被弑諸子分部西北離合不常瓦剌世次莫得而考矣惟小王子家雄立為可汗



尋為字來癘王子所弒而虜大酋毛里孩阿羅出等復弒字來共立小王子從兄脫思為王遂以小王子為君彌云至成化初有大酋滿魯都者入河套僭稱可汗而亂加思蘭佐之殺阿羅出結毛里孩等寇榆林寧夏固原宣大諸塞搃督王越有搜河套議朝廷從之遂勅武靖侯趙輔搃制各路軍馬搜套輔尋以疾還葉盛行邊上方略言不可議遂寢而河套猶然為虜有也和治初許進巡撫大同貽書小王子言通貢之利小王子三年三貢自猶兒庄入比至塞皆下馬脫弓矢入館進亦嚴兵待之于是宣大河套遂

無虜患至和治中火篩入寇是時故小王子孫名不及兒台吉者立其分地界西北富饒不為寇其二從父曰吉囊曰俺荅吉囊分地河套次饒俺荅分開原上都窳貧以故為寇嘉靖中吉囊及俺荅連歲入山西抵大原圍之十六日諸將皆觀望不戰惟偏師張世忠張宣張臣以力戰敗沒吉囊死諸子各分居西邊二十九年俺荅知宣府有備乃寇薊鎮薊鎮無重關山外即虜境所恃三衛為藩籬會三衛陰為鄉導遂犯京城焚劫至德勝西直門旬日乃出關京師震恐始議守禦計檄召諸邊將勤王而仇鸞首以大同



兵至都御史楊守謙以保定兵至河間宣府大同山西諸將各以兵先後至勤王入衛兵凡七鎮約五萬餘人乃命文武各十三人分守都城九門四隅而王邦瑞蔣貴搃督之以兵尚丁汝夔兵侍楊守謙督戎務即軍中拜仇鸞平虜大將軍搃督勤王諸路兵鸞軍無紀律驕縱劫略或自詭為遼陽軍蓋軍中呼朵顏為遼陽軍云時鸞方被寵任疏聞上令付大將軍鸞撫處而鸞殊不為禁上誤聞鸞遠出禦虜而汝夔守謙懷怯不出師以王邦瑞艾希淳代之汝夔守謙梟首棄屍妻流嶺南子戍遼陽時刑侍彭黯左

都屠僑大理卿沈良才以議汝夔等獄緩俱逮繫廷杖削秩給事張侃等如例覆讞時虜漸退白羊口鸞帥兵尾之虜騎蹂入鸞遣時義與俺荅義子脫脫結為兄弟許以互市於是人心洶洶恐變出不測主事楊繼盛力言互市不可狀下獄貶秩于是遂開馬市於宣大矣鸞發疽死至隆慶四年俺荅有外孫女美而艷業已許配襖兒都司矣俺荅納焉後即三娘子也俺荅奪把汗那吉所聘兀慎女易之那吉恚甚扣關請降詔授那吉錦衣千戶于鎮安城置焉俺荅擁眾宣大索那吉甚急宣府搃兵趙苛敗之俺荅懼



乃定議欲得我降虜叛人呂老祖趙全李自馨周元  
劉四等與相易遣鮑崇德往崇德小字官保舊役虜  
中與虜相狎及至虜營俺荅大悅如命縛送老祖等  
至京磔于西市我遣那吉北還搃替王崇古巡撫劉  
應箕極言封貢交市便 朝廷許焉遣鮑崇德以書  
諭虜與定約崇德與俺荅為鎖刀誓其詞曰天王佛  
祖託我盟誓兩家有違遭此鋒利誓畢俺荅遣心腹  
打兒漢土骨赤還報具疏稱臣比屬國奏聞 詔可  
封俺荅為順義王其弟姪子姓老把都黃台吉等六  
十五人各授都督指揮千百戶等官有差開市悉如

督撫議自後虜酋利于互市以故二十年来黃台吉  
扯力良父子俱奉約束邊鄙稍寧三娘子力焉其地  
木皮三寸冰厚六尺食肉飲酪隨畜薦居有徽會刻  
木封箭為信挾其長技上下山谷飄忽如風雨其輕  
生好殺篡弒蒸淫天性然也其譯語天為騰吉里地  
為蛤札兒日為納藍月為撒刺山川則有陰山漢武  
匈奴過浚稽山李陵敗燕然山竇憲勒金微山去塞  
之則哭  
里實憲破不蝟罕山元始祖撒撒兒山本朝周  
匈奴處  
產角端 貂鼠 銀鼠 黃鼠 白翎雀 旱金花  
金色大 青囊花翠花羊角染油不滑驪毛柔可豹屬  
如掌  
轉輒  
六



東牆似蓬草實沙雞黃冠渾脫殺小牛自脊上開一孔旋取出肉皮臟皆

兀良哈

兀良哈古東胡地昔高辛氏遊海濱過棘城闕顛項

之墟樂之歸封其子厭越居焉邑于紫蒙之野獮曰

東胡匈奴冒頓時東胡強輕冒頓及冒頓破東胡東

胡遺種保鮮卑山故遂以鮮卑為號百千邑落自為

一部凡勇健能理決鬪訟者則推以為大人有所召

呼則刻木為信至光武初匈奴輒率鮮卑寇邊太守

蔡彤擊破之斬獲殆盡鮮卑始通驛使于是大人偏

鮮卑

何於仇貴滿頭等率種人詣闕朝賀復從擊北匈奴

烏桓有功封侯和帝時竇憲擊破匈奴北單于逃走

鮮卑因轉徙據其地由此漸盛數寇邊矣桓帝時有

檀石槐者其父投鹿侯初從匈奴軍三年其妻在家

生子投鹿侯歸怪欲殺之妻言嘗仰天視電入口吞

之遂有孕庶侯不信棄之妻私取養焉名檀石槐年

十四五勇健有知略異部大人抄取其外家牛羊檀

石槐單騎追之悉還所亡者由是部落畏服推以為

長東西部大人皆歸焉因南抄綠邊北拒丁零東卻

夫餘西擊烏孫盡據匈奴故地東西萬四千餘里自



是寇邊不休靈帝時夏育議擊鮮卑蔡邕上言不可  
師竟大敗光和中檀石槐死于達和代立衆畔者半  
弟步度根立魏文帝初步度根遣使貢馬後部衆稍  
弱為軻比能所滅軻比能者鮮卑小種也公平服衆  
推為大人自素紹據河北中國人多畔歸之頗學文  
字建安中與烏桓寇邊後復貢魏封為附義王青龍  
初幽州刺史王雄遣勇士韓龍刺殺比能衆遂離散  
在隴西為乞伏氏元魏滅之在河西為禿髮氏乞伏  
氏滅之在燕為慕容氏其後最盛當魏初渠師有莫  
護跋率諸部入居遼西後從司馬懿討公孫淵有功

吐谷渾

拜率義王建國于棘城以慕容為氏至孫涉歸魏封  
為鮮卑單于遷居遼東於是浸有華夏之風涉歸有  
子二人長曰吐谷渾次曰慕容廆初吐谷渾與廆鬪  
馬而廆馬傷讓之渾怒率其部西遷河湟之間其後  
迺以吐谷渾為國號自渾十五傳至夸呂始稱可汗  
數為侵害隋擊破之大業末夸呂子伏乞孫慕容順  
收復故地唐李靖滅之伏乞走死順降封為西平郡  
王而吐蕃滅之順子諾曷鉢降唐高宗置安樂州封  
為刺史則天時吐蕃復取安樂州而吐谷渾殘部徙  
朔方河東而慕容廆有命世才略以大棘城為顛項



之故墟曰居馬教以農桑法制同於中國永嘉初自  
稱鮮卑大單于曰晉亂招撫華夷刑政脩明流亡歸  
之甚衆瑰卒子皝嗣多權略自以強盛遂稱燕王遷  
都柳城皝卒子儁稱帝建都于鄴儁卒子暉立而莫  
容垂輔之垂為人多知略燕太傅許忌之垂曰奔秦  
初秦符堅素有圖燕之志憚垂威名不敢發及聞垂  
至大喜拜為冠軍將軍堅乃遣王猛等伐燕燕軍大  
敗猛乘勝長驅入鄴門勃暉詣堅釋之燕遂亡識者  
皆曰天未絕燕必中興其在慕容垂乎後丁零翟斌  
起兵畔秦堅遣垂將兵討之垂至安陽遂與翟斌合

兵進攻鄴秦苻丕退走垂入而稱帝無何燕分為三  
慕容冲即位防虜是為西燕一傳至永垂擊殺之莫  
容德即位廣固是為南燕一傳至超劉裕滅之而莫  
容垂亦以三傳至熙而亡鮮卑之入中國者自此絕  
矣當軻比能時其餘種徙潢水之南黃龍之北者殆  
不可考至元魏號曰契丹自此通中國焉昔傳契丹  
之先有男子乘白馬浮土河而下遇於木葉山顧合  
流之水一婦人乘小車駕灰色牛浮潢河而下與為  
夫融生八子各居分地為八部落死則立遺像于木  
葉山此契丹始祖也祭之必刑白馬殺灰牛用其始



來之物耳後有一主曰迺呵特一髑髏在穹廬中覆之以氊人不得見國有大事則殺白馬灰牛以祭始變人形出視事已即入穹廬復為髑髏國人竊視之遂失所在復有号曰嗚呵載野猪頭披猪皮居穹廬有事則出退復隱入穹廬如故後曰妻竊其皮莫知所如又一主曰畫里昏呵惟養羊二十口日食十九留其一次日復滿二十口事亦怪異其實不可得而詰魏太武時八部各以其名馬文皮入獻交市于和龍密雲之間唐武德中其大酋孫敖曹來貢突厥不欲外夷與唐合請以梁師都易契丹太宗不許梁師

都者唐臣叛入突厥者也無何契丹長窟哥率其部內屬置松漠都督府封無極男賜姓李通天初窟哥曾孫李盡忠攻殺營州都督趙文翹舉兵反自号可汗武后怒詔曹仁等二十八將討之唐軍敗績詔遣婁師德沙叱忠義率兵二十萬破之契丹俗八部大人三年一會于各部內選雄勇者立之為主舊主退位例以為常阿保机者不知何部人也多知略善騎射居漢城請自為一部諸酋許焉久之與婁述律謀召諸部大人至盡殺之而併其衆僭稱皇帝起東西南北四樓極侈麗相去各千餘里往來射獵于四樓



方輿勝略 卷一  
之間好鬼而貴日每月朔日東向而拜日其會聚視  
國事亦以東向為尊四樓門屋皆東向先與晉王李  
克用約共滅梁倍約遣使至梁約共舉兵滅晉克用  
恨之臨卒以一矢厲莊宗期必滅契丹後唐臣王郁  
以鎮州獻契丹為之向導契丹空國來寇幽州中山  
莊宗擊破之阿保机死德光立益強石敬瑭反唐遣  
張敬達討之敬瑭求救于德光德光曰余夜夢石郎  
召我今果然耶親為督兵敬達敗沒德光立敬瑭為  
晉天子是時雁門以北一十六州皆德光有也置幽  
州為燕京改元會通國号大遼晉称臣納輸德光称

晉曰兒皇帝及出帝即位德光怒其不先以告又不  
称臣而稱孫遂傾國入寇晉劉知遠杜重威等擊之  
契丹敗德光引去趙延壽降契丹詐晉約為應兵晉  
遂遣杜重威等擊之不勝被圍糧絕重威降德光入  
京師晉出帝與太后為降表自陳過外郊迎德光止  
之曰豈有兩天子相見於道路耶及入封出帝為負  
義侯遷于黃龍府德光以糧艸不贍日遣數千騎四  
野劫略謂之打艸穀會漢高祖起劉知遠所在州鎮多  
殺契丹守將降德光懼以蕭翰守汴自將數千人北  
歸至殺胡林疾卒契丹破其腹去其腸胃實之以鹽



載之而北。晉人謂之帝羝。兀欲者東丹王突欲之子也。先是突欲亡降唐，故其子兀欲立。祖母述律勿欲也。曰：「畔人之子，安得立？兀欲怒，遂幽述律于木葉山，竟致死。其慘毒如此。」述律心多智而忍，阿保机死，盡殺從行諸將妻百餘人，曰：「可往從先帝，我寡若安得有夫？」大將趙思溫以事忤述律，使送木葉山。思溫曰：「親莫如后，何不行？」述律曰：「我本欲從先帝，以子幼中國多故，未能也。」乃斷一腕釋思溫，不殺。鎮州失守，兀欲為燕王述軌等所弒。迎立德光子璟，璟有疾不能近婦人，好畋獵飲酒，達旦日中輒睡。國人謂之睡王。

顯德六年，周世宗發兵北征，取瀛、漠、定三關，兵不血刃。璟曰：「漢地還漢，余何惜耶？」後日醉而為庖人所弒。子明記立，稱天贊皇帝。宋太宗時，或寇或貢，明記卒。子隆遂立，幼小，母蕭氏當國內行，不脩議者請以此時收取幽薊。上然之，遣將曹彬、田重進、潘美、楊業等三道出塞，彬等兵勢甚振，所向克捷。會宋將王繼忠戰敗，陷虜為虜言和好之利，致密奏達闕下，請和。宋遣曹利用往許，以歲給絹二十萬，疋銀一十萬。虜以兄事宋。隆緒卒，子宗真立。時夏國元昊未平，宗真知中國厭兵，用劉六符議聚兵幽涿，聲言入寇，遣使



致書索晉隋關南地仁宗重用兵遂議歲增銀絹五十萬然契丹特為虛聲以動中國宋方困西師而宰相呂夷簡持之不堅其後遂滋無窮之敝宗真卒子洪基立遣使蕭禧必欲以分嶺水為界而故相文彥博富弼韓琦曾公亮上章以為不可與地獨王安石言于上曰將欲取之必固與之於是詔從禧言往時界於黃嵬麓宋可以瞰其應翔武三州既以嶺與之虜遂反瞰昕代凡東西失地七百里洪基卒子迺禧立号天祚皇帝為人貪縱不道女真首領阿打骨畔犯東境民無噍類遼將蕭嗣先之敗也其兄蕭奉先

恐弟獲罪詔迺禧言潰兵不赦將為腹心重患迺禧詔一切勿問女直陷東京迺禧懼出居庸關奔雲中漁陽嶺入陰夾山時遼國無主迺禧叔淳為主稱天錫皇帝淳卒而契丹之地盡入金矣迺禧遁走小鞮鞬與金將婁宿遇宿下馬跪于前捧觴而進遂俘以還遼亡自阿保机至迺禧凡九代 我朝洪武初即古會州地置北平行都司封寧王權鎮焉後因北胡來降者衆分兀良哈為三衛曰朵顏曰大寧曰福餘以處降胡設都督指揮等領之與遼東並列以為外藩靖難兵起兀良哈諸部落從行有功遂以大寧界



方輿勝略  
三衛從寧王於南昌從行都司于保定令三衛一歲  
二貢自是三衛之地與遼宣隔聲援絕矣然三衛中  
朵顏據地最險已已福餘大寧結也先為之鄉道朵  
顏獨扼險不從也先竟不能入塞而去天順成化間  
三衛通毛里孩白加思蘭等入寇頃之謝罪弘治中  
守臣楊友張瓊燒荒出塞掩殺甚衆慶曆以來脩守  
城堡虜稍入貢如初其俗及譯語與韃靼同山川則  
有黑山云北人死則魂歸此山馬孟山廣千里七金山有七其產  
則有青羊 黃豕 契兔即麀兔瑪瑙珠絲者佳  
方輿勝略外夷卷一

方輿勝略外夷卷二

豫章 李蒙 纂  
李克家 輯

朝鮮

朝鮮東夷大國也昔堯命羲仲宅嵎夷曰暘谷武王  
伐紂箕子義不臣周既陳洪範封之於朝鮮箕子教  
以禮義田蚕又制八條之約至有邑無淫盜門不夜  
扃者傳四十餘世至朝鮮侯準稱王漢初大亂燕人  
衛滿避地朝鮮遂擊破準自稱朝鮮王會孝惠高后  
時遼東太守奏約滿為外臣許之滿遂得以兵威侵



旁小邑凡穢貊高句驪沃沮真番辰國皆服屬焉傳  
至孫右渠元封初罷殺漢使涉何漢遣楊僕荀彘誅  
右渠無功頃之尼谿相參殺右渠來降置蒼海郡及  
定朝鮮復置為真番臨屯樂浪玄菟四郡以高句驪  
沃沮為縣高句驪者其先夫餘種也夫餘嘗得河伯  
女曰閉于室為日影所照遂孕生一卵大如五升破  
而得一男焉及長字之曰朱蒙其俚言朱蒙者善射  
也王令養馬蒙私以馬駿者減食令瘦駑者善養令  
肥王以肥者自乘瘦者給朱蒙王狩給朱蒙一矢墮  
獸甚多夫餘王謀殺之朱蒙遂棄母與馬達等二人

東遇河難濟追者又迫朱蒙曰我日之子河伯外孫  
也今柰何俄而魚鼈成橋朱蒙得渡至普述水遇見  
三人一着麻衣一着衲衣一着水藻與朱蒙至訖升  
骨城居焉号高句驪曰以高為氏及光武興罷兩郡  
都尉官而遼東太守祭彤威信素著于是高句驪滅  
貊倭韓夫餘諸國來貢倭即日本後高句驪王宮勇壯數  
犯邊境圍玄菟城殺掠吏人時遼東太守蔡諷戰沒  
夫餘王乃遣子尉仇台將兵來破之是歲宮死子遂  
成立詣玄菟降及桓靈失政復入寇掠玄菟太守耿  
臨討之建安中公孫度擊破之有其國伊夷模更作



方輿勝覽 卷二  
新國于丸都山下居焉伊夷模死子位宮立有勇力  
善獵射從晉擊公孫氏有功魏正始初寇遼西安平  
幽州刺史毋丘儉擊之位宮敗走儉使王頎追之絕  
沃沮千餘里到肅慎南刻石紀功而還是時頎問其  
耆老海東復有人不耆老言國人嘗乘船捕魚遭風  
至一島語言不相曉俗常以七月取童女沈海又一  
國在海中純女無男撒地而孕胸前無乳項後生毛  
中有汁乳子百日能行三四年則成人矣又海岨邊  
有兩面人項中復有面生得之與語不通不食而死  
又得一布衣從海中而出身如中國人衣其兩袖長

三丈蓋沃沮東界之極也晉時立宮五葉孫釗為王  
慕容皝擊破之毀丸都城于是徙都平壤平壤即樂  
浪也及慕容寶以句麗王安為平州牧自晉宋齊梁  
後魏後周皆受封爵至隋高麗王元率靺鞨兵寇遼  
西煬帝徵元入朝不至煬帝怒遂親征之高麗嬰城  
固守隋食盡師老班師元死子建武立唐高祖拜建  
武為上柱國封高麗王有蓋蘇文者姓泉氏自云生  
水中以惑衆性忍暴嗣父為東部大人殺建武殘其  
尸投諸溝立建武弟之子藏為王自為莫離支專國  
太宗聞建武為王所殺會新羅遣使者上書言高麗



百濟來攻請天子哀憐太宗以書讓高麗且使止勿  
攻使未至而蓋蘇文已取新羅二城乃遣將張亮李  
勣等二十人往征之又發契丹奚新羅百濟諸君長  
兵悉來會上次定州坐城門過兵人人慰撫疾病者  
親視之敕州縣治療士卒大悅于是勣攻牟城拔之  
以其地為益州孫伐音攻白崖城拔之以其地為巖  
州勣圍遼東城帝至見士卒填塹分負之重者馬上  
持之群臣震惧爭挾硯以進帝與勣會甲光炫日會  
南風急士縱火赫西南燹延城屋幾盡人死于燎者  
萬餘城潰以其地為遼州遂引軍次安市城會高麗

南北部僣薩高延壽高惠真率靺鞨之衆十五萬來  
援于安市城上召文武躬自指麾是夜有流星墜賊  
營中明日及戰大破之延壽惠真降上授以戎秩命  
還以平壤靺鞨三千人並坑之曰名所幸山為駐蹕  
山命許敬宗為文勒石高宗時新羅訴高麗靺鞨奪  
三十六城詔程名振等討之蓋蘇文死子男生代為  
莫離支與弟男建男產相怨男生入朝求援蓋蘇文  
弟淨土割地降乃詔遣將契苾何力薛仁貴龐同等  
討之皆受李勣節度帝問軍中云何御史賈言忠對  
曰必克高麗秘記曰不及九百年當有八十大將滅



之高氏自漢有國今九百年勳年八十矣虜仍薦飢  
人相掠賣地震裂狼狐入城矧穴于門人心危駭是  
行不再舉矣勳圍平壤藏遣男產率首領百人樹素  
幡降勳以禮見而男建猶固守出戰數北大將浮屠  
信誠遣諜約內應遂入火其門執藏男建等收凡五  
部百七十六城戶六十九萬割其地為都督府九州  
四十二縣以薛仁貴為都督揔兵鎮之至垂拱中以  
藏孫寶元為朝鮮郡王後唐明宗時權知國事王建  
承高氏之位并有新羅百濟以平壤為西京王氏三  
世終五代常來朝貢周世宗時王昭進別叙孝經一

卷越王新義八卷皇靈孝經一卷孝經雌圖一卷別  
叙者叙孔子所生及弟子從學之事新義者以越王  
為問目皇靈述延年辟穀雌圖載日食星變皆不經  
之說宋太祖建隆初昭遣使朝貢昭卒三傳治立受  
制于契丹治卒二傳詢立會契丹攻陷高麗六城詢  
徙居避之尋結女直設奇襲殺戮契丹殆盡于是  
復入貢馬自言為契丹羈制之狀宋厚答之以其國  
尚文遣使必召赴中書省試以文乃往其俗王女不  
下嫁臣庶必歸之兄弟宗族貴臣亦然及運立稍變  
其夷風運仁賢好文每賈客市書至則潔服然香對



之運卒四傳楷立貢使接踵賞賜不貲蘇軾謂高麗人貢無絲毫利而有五害旨哉言也契丹常云高麗乃我奴耳南朝何以厚代之初女直奴事高麗及其強也高麗反臣事之高宗即位遣胡蠡等使高麗蓋恐其通金人而金人以是時遣王樞持冊往高麗亦憂其為我用也元太宗時高麗王暉遣世子植入朝暉卒植歸國嗣王以元冊封故植終世祖之三十二年入貢者凡三十有六焉是時元欲通日本以高麗與日本鄰可為鄉導乃遣兵侍黑的等使日本先至高麗諭旨植遣使導往日本不至而還元與高麗從

此隙矣而其歲貢如故也詔西京內屬改為東寧府植死子懋立後更名聃以尚公主故賜以駙馬高麗王印聃卒三傳暉嗣王氏建國至暉凡二十八王歷四百餘年我朝洪武一年王顯表賀封為高麗國王仍以祝文牲帛祭高麗境內山川十七年上曰高麗使來不遵臣禮賄結逆臣胡惟庸事覺以勅諭遼東守將唐勝宗華昇令絕高麗未幾高麗貢使至勝宗昇以聞上復以勅褒獎之顯卒禍立非顯親子二十二年指揮高家奴等市馬高麗還言高麗王禍表請不受馬值上令擇可用者以直償之駕弱



者量減其直仍勅高麗還遼陽瀋城頃之國相李仁  
人廢禡而立王昌仁人子成桂復廢昌而立王瑤竟  
廢瑤而自立也王氏自五代至今數百傳而始絕成  
桂更名旦徙居漢城遣使請更號朝鮮 上覽表怪  
旦不遜使者言表鄭集撰 上盡却方物索集旦懼  
送集至京安置雲南永樂初旦請老子芳遠嗣聞朝  
廷欲廣屯田于遼東遣使貢牛萬頭芳遠率子禎立  
遣使貢海東青詔諭珍禽異獸非朕欲也其勿獻嘉  
靖中王李暉疏乞改大明會典中所載成桂篡逆事  
從之萬曆二十年正月日本關白平秀吉命行長清

正等犯朝鮮時朝鮮王李公政務廢弛不兩月破朝  
鮮三道王子國母盡為所執公北奔義州行長等聚  
平壤慶尚全羅諸處朝鮮絡繹告急 上遣倂將祖  
承訓往援全軍敗沒承訓僅以身免 上怒以兵侍  
宗應昌經略朝鮮時搃兵李如松平寧夏歸即遣為  
提督率諸將領五萬人十月渡鴨綠江立破平壤倭  
奴宵遁我兵追殺遇倭伏殺大戰碧蹄館自後倭惟  
壁守王京大司馬石誤聽沈惟敬主和議撤如松回  
罷應昌以顧養謙任而和議膠固養謙謝病去孫鑛  
代十一月倭奴小西飛入朝議貢大司馬擅議和妙



畫不入惟右都御史沈思孝御史周孔教力陳以為不可和愈堅御史汪以時畢三才舉如松將才當用二十三年遣臨淮侯李宗臣等賫詔封秀吉為日本國王封事不成臨淮侯置勅而歸然而猶無定畫再下廷議時思考請告去獨孔教一人抗顏指摘大司馬之誤右都御史徐作從中贊助乃下司馬獄以邢玠為經略當其和議必不成也朝鮮陪臣李元翼知關白無意罷兵欲乘釜山勢寡攻取惟敬阻之二十五年邢玠為經略楊鎬為經理麻貴為提督賁畫主事丁應泰疏劾經略寡謀楊鎬罷任萬世德為經理無

何秀吉死其國人心變動軍乏糧陸續渡海二十七年提督部署諸將引兵凱還其地東西相距二千里南北四千里今八道統府州郡縣俗崇釋尚鬼惡殺載折風巾大袖衫死三年始葬親不視殮病不服藥其譯語天為哈嫩二地為大日為害月為得其山川

則有九都山伊夷模北岳山李旦神嵩山王建大山古東沃鴨綠江潤三大通江其產則有白磴

絙 狼尾筆 海豹皮 稍魚 昆布 蒲花席草性

柔折屈摺扇以竹為貴黃漆金果下馬高三尺長尾雞尾長

三綉苧布黑白二色石燈紅白二色



女直

女直東夷也古肅慎氏宗為女真避契丹主諱更名女直武王克商通道於九夷百蠻使各以其方賄來貢而無忘職業于是肅慎來貢楛矢石弩其長尺有咫王以分大姬配胡公而封諸陳漢興以後挹婁臣屬夫餘種類小而強健晉元成間通貢石廂問之荅曰每候牛羊向西南臥者三年是知有大國所在故入貢焉至元魏時有勿吉者凡七部落而黑水部最強即肅慎氏也延興以後貢使相尋隋開皇初靺鞨遣使貢獻文帝宴勞之使者及其徒起舞曲折多戰

鬪狀帝曰天地間有此物常作用兵意也唐太宗征

高麗靺鞨佐之

太宗獨坑靺鞨以此

玄宗時其酋倪屬利稽來

朝遂置黑水府以部長為都督刺史賜姓李訖唐世貢使相尋獻物有鯨睛貂鼠白兔等物貞元後渤海強盛渤海者本粟末靺鞨初附高麗高麗滅通天中有舍利乞乞仲象者與靺鞨酋乞四比羽及高麗餘種東奔樹壁自固武后詔封比羽許國公仲象震國公俱拒不受唐遣將李楷固斬之時仲象已死子祚榮并比羽之衆自号震國王通貢睿宗封為渤海王自此遂称渤海國臣阿保机興數侵擊之勢遂不振



後唐時黑水兀兒及胡獨鹿兩部酋長遣使朝貢女直之名始通中國種類不一有生熟女直有黃頭女直終未強盛惟熟女直僻處契丹東北隅臣服百餘年世罷節度使自宋建隆以至天禧貢使不絕契丹怒其朝貢中國遂于海岸絕其貢獻之路女直乃發兵入朝求援太宗不為發兵後契丹征高麗道由女直女直合高麗兵拒之大敗契丹自是女直勢稍振矣相傳宋初有亟晉新羅人也年六十餘別其兄阿古迺而與弟保活里適女直居于完顏部鄰幹水之涯完顏部人有殺其族人者兩族交鬪衆莫能解亟

晉往諭解之部衆信服謝以青牛一并歸以六十之女亟晉以青牛為聘而納之後生二男長曰烏魯次曰幹魯一女曰思板其後為金之始而松漠記聞載金人歷代祖無亟晉之名第云完顏氏妻六十女生二子長曰胡來宋史載其酋有龕福者凡五傳至胡來二說雖異大抵胡來乃阿骨打四世祖也阿骨打父曰楊割者遼主洪基時識者知其必為東方之患及遼主延禧嗣位凡銀牌天使至女直必欲薦寢者初輪中下戶室女侍之後不論其有夫及閹閹高者于是女直人人有畔志遼俗春冰泮時遼主必至女



直地鑿兵釣魚放弋為樂女直人各以其所產來獻  
量輕重而打博謂之打女直及延禧釣魚于混同江  
凡女直酋長皆來會酒酣命諸酋歌舞為樂骨打獨  
端立直視辭以不能延禧欲誅之蕭奉先諫止頃之  
骨打遂畔以同族粘罕胡捨為謀主銀木割移烈婁  
宿闇等為元帥即五敗契丹師延禧大怒下詔有剪  
除女直之語骨打聚眾以刀斫面仰天而哭曰契丹  
欲盡剪除汝輩不如殺我一族而降可轉禍為福諸  
酋拜曰願以死戰破乾顯等州得遼東長春兩路始  
用鐵州降人楊朴議進稱皇帝國号大金以其地產

金故也延尊龕福以下皆為帝宗間女直得遼陽地  
童貫議倚之以復燕詔趙良嗣往聘約夾攻契丹取  
燕雲骨打許諾遂議歲幣如契丹舊數明年金人取  
中京至古北口延禧奔雲中居夾山而翔應諸州皆  
陷金遂入燕會燕王淳已死蕭后出奔宰相左企弓  
等迎降宋命趙良嗣等報聘金人但許燕薊六州而  
猶欲自取六州租稅良嗣還復往議至再三竟于契  
丹歲幣外增一百萬緡而求西京明年童貫蔡攸入  
燕燕之子女玉帛職官富室皆席卷而東所得空城  
而已骨打死弟吳乞買立是時中京被圍延禧奔西



夏夏畏女直之威不敢納又以未幾杖林搃事不敢  
奔宗走小鞠鞞之雲中遇婁宿軍擒之以還封海濱  
王慶之東海上契丹遂亡無何金人入寇取朔武忻  
代四州圍太原明年圍京師宗遣使約割太原中山  
河間三鎮之地以康王構少宰張邦昌為質發內帑  
金帛數萬皆從金人之請也初李綱請伐金欽宗不  
聽金人銜綱宗遂罷綱以謝金人而金之猖獗自如  
也無何李綱復用金人懼稍稍引却及欽宗詔往許  
三鎮地金人退師种師道請棄其半濟擊之帝不許  
師道曰異日必為國患吕好問亦曰金人得志益輕

中國禦敵之備當速講求未幾金將粘沒喝幹離不  
分道入寇宋將郭京范瓊等禦之不克京城遂陷帝  
聞城陷慟哭曰不用种師道言至此金復索金帛甚  
急且邀帝至營帝有難色而何桌李若水力勸帝行  
如青城吳乞買得帝降表遂廢帝及太上皇為庶人  
更逼帝及上皇易服若水抱帝而哭詎罵金人竟以  
裂頸斷舌死金人立張邦昌為帝而擁二帝及太子  
后妃宗戚三十人北去宗臣共奉康王即位而邦昌  
退位為太保焉時陝西山東河南淮陽相繼陷沒而  
高宗建國臨安雖有宗澤張浚岳飛諸將澤卒浚飛



為秦檜所排故地不復矣乞買卒八傳守緒立是時  
蒙古鐵木真稱帝首謀伐金遣使命金去帝号称河  
南王彼此罷兵金主不從蒙古遂決意滅金鐵木真  
死子窩濶台立與宋合兵擊金金主守緒遣使往宋  
借糧曰唇亡齒寒我滅勢必及宋宋不許時圍城甚  
急守緒傳位于東面元帥承麟承麟固讓守緒曰我  
以肌腠肥重不便鞍馬馳突卿素趨捷有將略萬一  
得免祚胤不絕此朕志也承麟因即位百官賀畢亟  
出捍敵而南面已立宋職守者棄門元兵入守緒自  
縊承麟為亂兵所殺金亡而餘衆奔歸女直故地元

即其地設開元路領咸平府隸遼東宣慰司咸平乃  
古箕子所封地也 我朝永樂九年餉以官賞而東  
旺佟等降始設奴兒干都司置衛一百八十四所二  
十諸小酋為指揮千百戶鎮撫官令三歲一貢仍置  
馬市羈縻之種類不一建州居中最強地最險虜人  
視為咽喉本渤海遺孽喜耕種緝紡飲食衣服頗有  
華風近松花江者曰山夷皆山居即黃頭女直又抵  
北黑龍江曰江夷即生女直居有室廬海西山夷即  
熟女直金人遺種也成化二年酋董山糾衆入寇我  
遣趙輔玉英等討之山降送京師誅之未幾諸夷欲



報山仇入寇巡撫陳鉞撲殺降虜諸夷入塞殺掠遣  
馬文升往撫定之諸酋解散自是邊衛加嚴其俗勇  
悍喜戰鬪耐飢寒善騎射上下崖壁如飛濟江湖不  
用舟楫浮馬而渡好畋獵每見野獸之蹤躡而求之  
能得其潛藏之所又以樺皮作角吹作呦呦之聲呼  
麋鹿而射之土氣極寒常以穴居以深為貴養豕食  
肉衣皮有狗車木馬輕捷之便狗車形如舩以數十  
狗拽之往來通運木馬形如彈弓擊足激行可及奔  
馬嗜半生米飯潰以生狗血嗜酒醉則縛之不尔殺  
人其父母若春夏死則埋之以其所寵奴婢所乘鞍

馬狗葬秋冬死則以其屍餌貂其親友死則以刀割  
額血淚交下謂之送血淚盜禁甚嚴惟正月十六日  
縱偷一日以為戲宋以前其國君民同川而浴肩相  
摩於道民雖殺雞亦召其君同食不知紀年但以草  
一青為一歲以豕膏塗身以溺洒手面作廁于中環  
之而屠東夷中窳無儀法者也及金人入中國夷風  
稍變焉其譯語天為阿瓜地為納日為受温月為別

阿其山川則有白山

顛有潭八十里南流為鴨綠江

太山

過者不得

狼其產則有赤玉

殊角

海象

魚鬚

可為

鯨睛

明月

諸鷹

惟海東青為貴

失刺孫

土豹

好刺

鹿

海豹

海牛

海驢海狗



海人魚 髮如馬尾皮肉極白土人鯨寡水母一名蒲者多畜之池中與交合不傷人  
腹臍頭目二蝦 狀如李  
負之其行如飛 文林郎 出建州

日本

日本古倭奴國在大海中于閩浙為東北隅漢滅朝鮮通使稱王者三十餘國初王都筑紫日向宮名御天中主次日天材雲尊其後王遂皆以尊稱傳二十三世彥瀲尊少子神武天皇遷都太和州疆原宮其後王遂以天皇稱建武初倭奴國奉貢光武賜以印綬至桓靈間倭國無主有一女子名曰卑彌呼年長不嫁能以妖術惑眾于是共立為王法甚巖峻侍婢

千人少有見者惟一男子傳令曹魏時倭女王遣大夫難升米等來貢魏以金印紫綬封卑彌呼為親魏倭王難升米等竝拜中郎校尉女王死更立男王國人不服相攻擊不休復立卑彌呼宗女壹為王壹立朝獻如初晉宗時倭王名讚世次可考至隋開皇中倭王姓阿每字多利思比孤遣使詣關上令所司訪其風俗使者言倭王以天為兄以日為弟天明時出聽政跣趺坐日出便停理務云委我弟文皇曰此大無義于是訓令改之大業初遣使朝貢使者曰聞海西菩薩天子重興佛法故遣朝拜兼沙門數十人來



學佛法其國書云日出處天子致書日沒處天子無恙云云帝覽不悅謂鴻臚卿曰夷書有無禮者無復以聞明年遣裴世清使倭度百濟所歷有秦王等十餘國惟秦王國人同于華夏云先秦時遣方士徐福將童男女數千人入海求蓬萊仙不得俱誅止夷澶二州号秦王國世属倭奴國王多利思比孤與世清相見大悅曰我聞海西有大隋禮義之國故遣朝貢今清道飾館以待大使冀聞大國維新之化唐貞觀遣使朝貢唐遣刺史高仁表往與王爭禮不平不肯宣天子命而還及其王孝德即位獻琥珀大如斗瑪

瑙若五升器孝德子天智立遣使蝦夷人偕朝其使者鬚長四尺髮上指善弓矢天智子天父立死子懿符立惡倭名更号日本長安初朝臣真人粟田貢方物朝臣真人者猶唐尚書也冠進賢冠于隋得所賜冠始制焉無文字刻木結繩于百濟國得佛書始制焉粟田好學能属文武后授以司膳卿官還之開元初粟田復朝請其副朝臣仲滿慕華不肯去易姓名曰朝衡授以官職自總符後女王二男五五貞元末王栢武遣使入朝其胄子橘免勢願留肄業歷二十餘年還國大中中日本王子來朝獻寶器音樂王子



善圍碁出玉碁子光潔可愛不由制度黑白自然冬  
溫夏冷故名冷煖玉碁子宋雍熙初日本僧裔然與  
其徒五人獻銅器十餘事裔然善隸書不通華語問  
其風土但書以對裔然求印本大藏經隨台州商人  
舩還其國數年遣弟子奉表來謝大略云望落日而  
西行十萬里之波濤難盡願信風而東別數千里之  
山岳易過得觀宇內之環竒敢辭荒外之跋涉淳熙  
以後明州秀州泰州等地往往有日本海船為風泊  
而至者詔勿取其貨仍給常平米贍恤之宋亡終元  
之世不肯奉命元遣將忻都范文虎征之至五龍山

暴風破舟全軍皆沒及國初高皇帝遣行人楊載  
招諭之未至復遣萊州同知趙秩賜璽書諭其王良  
懷秩至良懷以元嘗使趙姓者往罷之今秩復趙姓  
意將罷已以謾語答之命左右刃秩秩不為動徐曰  
聖天子生華帝華非蒙古比爾殺我禍不旋踵良懷  
聞之氣沮禮秩尋遣僧祖義隨秩入貢十五年明州  
備倭指揮林賢交通樞密使胡惟庸謀叛令日本使  
僧如瑤詐稱朝貢獻巨燭內藏火藥兵器伏精兵貢  
艘中計以表裏挾上即不遂掠庫物乘風而遁會事  
露悉誅殺僧使于陝西四川各寺中著訓示後世絕



不與日本通遣信國公湯和江夏侯周德興等沿海  
規畫自南直隸山東浙江福建廣東西成置行都司  
以備倭永樂初太監鄭和等齎賞下西洋諭諸海國  
日本首先歸附擒獻犯邊賊二十餘人即使彼治之  
縛至甌中悉死詔厚賚之封其鎮山曰壽安鎮國山  
上為文勒石賜勘合百道期以十年一貢無何三千  
人犯遼東搃兵劉榮破之榮封廣寧伯正統中入柁  
渚犯大嵩殺掠慘毒積骸如陵縛嬰兒于柱沃之沸  
湯視其啼号以為笑樂捕得孕婦則計其男女剔視  
以賭酒嘉靖初其主源義植幼冲不能制群臣右京

地大夫高貴使宋素卿貢左京地大夫內藝興遣宗  
設貢咸強請勘合後先至寧波爭長不相下躡紹興  
諸郡殺掠以千計都指揮劉錦及千百戶等官遇之  
皆死後有詔諭且下宋素卿獄徐解之自是倭奴嘯  
聚益繁而中國亡命若王直陳東徐海毛海峰之徒  
跽海聚眾變服稱王糾合倭舶往來行賈奸商翫其  
利享私與互市沿海郡縣幾為丘墟其禍慘于正統  
時矣事聞 朝廷乃特設閩浙巡撫而撫臣朱紉素  
廉潔勇于任事上章暴二三勢豪通番狀竟為勢豪  
誣劾以擅殺逮紉紉恚自殺其所置副使柯喬都指



揮俞鏗諸能任事有功者皆論死繫獄頃之賊犯台  
州破黃巖象山諸邑議復設提督都御史用王忬為  
之賊移舟南犯蘓松忬已改大同以李天寵代忬而  
兵尚張經督其事工侍趙文華以海道猖獗請禱海  
神遂遣文華往禱公私勞費不貲皆歸囊橐而文華  
素忌經劾經謂其才足辦也特家閩避賊讎故嘆惜  
縱賊爾上怒趣使捕徵經併李天寵皆論死倭奴  
鋒勢甚銳朝廷震怒懸賞格有得酋首者與伯爵  
御史胡宗憲手未握兵用奇計殲倭數千百人由御  
史超擢開府提督七省兵事無何徐海入寇圍巡撫

阮鶚瀛浙地告急疏上及宗憲在事身歷百戰亡不  
以捷聞前後所上功狀職方具在徐海死宗憲遷右  
都御史又明年獲王直王直故徽人也以事走海上  
後為船主頗尚信有盜道雖夷主亦愛服之有徽人  
羅龍文者豪俠士也故與直相識宗憲乃馳書命龍  
文往說之龍文至直船中見二女侍即之則龍文故  
奴為寇所虜也龍文密使二奴先諭意明日謁直直  
大喜龍文曰朝廷不以足下作逆之故壞汝廬墓戮  
汝親戚德意良厚倘能效順投款盡殲夷醜胡公必  
奏授足下官職高爵厚祿榮歸故鄉不猶愈于寄身



海島朝不謀夕使萬世而下有逆賊之名乎直聞之神搖色動猶未決會二妓耳語反覆勸之直瞿然曰願以死贖罪遂從龍文詣督府宗憲大悅優禮之即具狀聞廷議以直元兇不可赦棄市而餘黨數萬復寇淮揚越如皋趣泰州勢甚熾時淮揚巡撫李遂防海副使劉景韶參將丘陞激勵諸將士期以死戰遂曰賊在吾殼中命景韶陞誘賊至廟灣縱兵擊之陞中鋒死景韶并陞衆遂又飭諸路兵擊之賊間道走劉莊裨將劉顯聞賊據劉庄乃奮勇而前景韶鼓其後追及白駒場賊無一人得免者捷聞進遂南京兵

侍景韶浙江按察使自宗憲遂屢捷之後于是浙西浙東稍安然而溫台閩廣如故至四十年賊破興化等郡縣巡撫譚綸檄兵戚繼光募浙兵勦平之浙兵故脆弱自控制胡宗憲練習屢經戰勝今皆銳卒即戚繼光起自宗憲幕下也隆慶初平清盛秉政父子兄弟據要路竈為淫虐萬曆十四年而平信長為關白得秀吉為之義子秀吉母為人婢得娠生欲棄之有異徵育之秀吉幼微賤販魚為業醉卧樹下信長出獵吉驚起衝突欲殺之以吉舌辯留養焉名木下人允助信長奪二十餘州已而信長為明智所殺



秀吉遂與行長誅明智廢信長子而自立然秀吉多  
智略善用人性媼嗜殺十八年秀吉差和尚至琉球  
脅令勿貢福建巡撫趙參魯以聞二十年正月吉果  
入犯朝鮮不兩月破朝鮮三道意欲席捲高麗入犯  
中朝朝鮮告急上遣將赴援平壤之捷秀吉胆落  
事具朝鮮志中其地近閩浙而遼東遠故入貢不從  
遼路國內有五畿三島七道六十五州六百餘郡屬  
國百餘各自專擅不相統攝土氣溫暖宜禾稻麻粟  
無牛馬虎豹羊鵲兵有矛楯木弓竹矢或以骨為鏃  
人性嗜酒多壽考百餘歲者為常人皆多妻不淫不

姪俗不竊盜犯法者沒其妻子大者滅其門戶死喪  
無異中國灼骨以卜吉凶用中國古錢千文價銀四  
兩惟不用開元永樂二種來寇多在清明重陽之後  
時多東北風故防汛以三四五月為大汛九十月為  
小汛若渡海時令一人不櫛沐不食肉不近婦人名  
曰持喪若在途吉則與以財物如疾病遭害以為持  
喪不謹便共殺之男子魁頭斷髮黥面女身婦人披  
髮跣足間用履信巫好戲重儒敬佛其接見以蹲踞  
為恭以撓掌為悅飲食籍以櫛葉手舖之或間用簞  
豆坐卧無几案床帳編草為薦女皮為表席地坐卧



其喜盜輕生好殺天性然也其譯語天為唆喇地為  
只日為非祿月為讀急其山川則有壽安鎮國山永樂  
初泐製阿蘇山石無故賜刻碑阿蘇山火光接天其產如意寶珠青色大如雞子夜有  
光魚目也青玉硯扇細絹漆器金桃重一斤

琉球東南海中大國也隋煬帝令朱寬入海求訪異  
俗得河蠻知有琉球遂與俱往其國言語不通掠一  
人而返明年令寬往撫之不足遣將陳稜等討之焚  
其宮室虜其男女千餘人并物產得金荆榴木數十  
斤色如真金甚香是時其王姓歡斯氏名渴刺峴不

知其由来有國世次也琉球旁有毗舍那者小夷也  
鳥語裸形殆非人類性喜鉄器及匙筋人閉戶則不  
入但刺其門環而去擲以是筋則俯捨之可緩數步  
見鐵騎則爭刺其甲遂駢首就戮而不知悔臨敵用  
鏢鎗繫繩十餘丈為操縱蓋愛其鉄不忍棄之不駕  
舟楫縛竹為筏可摺疊如屏風急則羣舁之浮水而  
逃此夷之最小而險者也元命楊祥吳志斗阮鑿等  
並給金銀符使琉球竟不得其要領而還洪武初  
遣行人楊載往琉球琉球遣使隨載入貢其國分中  
山山南山北称三五各遣使請命詔賜中山察度山



南王承宗山北王怕死芝印幣永樂中中山王思紹  
入貢表言長史王茂中國饒州人輔臣祖察度四十  
餘年不懈于職今年已八十請命還鄉從之中山王  
遣子及陪臣子弟入國學上喜禮遇獨隆賜閩人三  
十六姓善操舟者令往來朝貢景泰時山南山北為  
中山王尚思達所并嘉靖初國王尚清上表請封遣  
給事中陳侃行人高澄往以五月朔日祭海登舟越  
十八日至熱僻山離琉球三百里夷人曰至此始可  
免憂諭旬日方抵其國其宴使禮甚恭凡烹調之味  
皆假使者庖人惟奉餞則出自宮嬪親製精潔芳肅

不過數十品侃等以九月十三日回舟行數日颶風  
驟作桅折舵壞舟人但呼天妃頃之有紅光燭天舟  
人曰天妃至矣舟果得安至二十六日忽一蝶飛繞  
舟中復有一黃雀立於桅上時舟人又曰蝶雀神類  
天妃遣采告我風也宜善自防是夕果風濤大作舟  
漏齊呼天妃尋有蝶數萬銜泥塞舟次日遇順風遂  
泊定海島尚清上表言大明一統志載琉球有落滌  
及聚鬪骸事皆非實杜氏通典集事測海羸虫錄星  
槎勝覽所述亦傳者之妄乞下史館從之其地多山  
洞洞有小王往往有村村有鳥了帥竝以善戰者為



之理一村之事其初國俗以盈虛為晦朔以草木為  
冬夏人皆去鬚黥手羽冠毛衣無禮節好剽掠攻擊  
鬪死者收聚食之仍以髑髏獻王王則賜之以冠便  
為隊帥犯罪者輕則用杖重則繩縛以大鐵錐鑽頂  
而殺之其南境有人死邑里共食之婦人產子必食  
子衣年老者髮多不白信鬼神女巫家尊女巫之魁  
曰女君白日嘯聚輒數百人携杖戴艸騎步縱橫時  
入王宮褻遊狎戲一唱百和矯誣禍福王及世子陪  
臣皆頓首拜跪國人不執即告王昔倭奴有欲謀害  
中山王者神即禁銅其舟水變為鹽米變為沙寇尋

就戮惟其守護斯土故國中敬且憚之王居山巔宮  
殿朴素居人瓦屋茅茨不苛地不產鐵以螺殼爨炊  
無釜耕無鋤人皆耐飢寒無殘疾疲瘠者不知醫藥  
不生疾疫其薄滋味寡嗜慾之驗也男女結髻用五  
色布纏頭以辨貴賤女人上衣外更加幅布如帷見  
人則取以蔽面下用細帽長裙以覆其足賦法略如  
井田此皆近日得王化之漸陶者第刑嚴峻盜竊即  
刑鼻爭鬪殺人度不能脫即剖腹自斃其譯語天為

甸尼地為只尼日為非祿月為都及其山川則有龜

鼉舉古米山

崑崙

彭胡島

近福泉漳興郡界舟到此山遇颶漂至落滌百無一



二得 其國旁有沙華公國肆行劫掠商舶漂至  
人燒食之又有小琉球亦近泉州霽日登鼓山可  
而見其產無牛羊驢馬惟鬪鏤樹似橘条可織木皮布潤  
三金荆榴作几枕勝沉香

方輿勝略外夷卷二終

臣等謹將



